

Na osnovu člana 25. Statuta Grada Tuzla („Službeni glasnik Grada Tuzla“, broj: 6/21.), a u skladu sa članom 21. Zakona o komunalnim djelatnostima („Službene novine Tuzlanskog kantona“, broj: 11/05, 7/07, 8/12 i 14/13), Gradsko vijeće Tuzla, na sjednici održanoj 26. 10. 2023. godine, donosi

## **ODLUKU**

**o davanju prethodne saglasnosti na Odluku o utvrđivanju cijene usluge grijanja po m<sup>2</sup> i cijene usluge grijanja po MWh**

### **I**

Daje se prethodna saglasnost na Odluku o utvrđivanju cijene usluge grijanja po m<sup>2</sup> i cijene usluge grijanja po MWh broj: 09-07062-2023/XIII-4 od 09.10.2023. godine, koju je donio Nadzorni odbor “Centralno grijanje” d.d. Tuzla.


### **II**

Stupanjem na snagu ove Odluke prestaje da važi Odluka o davanju saglasnosti na Odluku Nadzornog odbora “Centralno grijanje” d.d. Tuzla o utvrđivanju cijene usluge grijanja po m<sup>2</sup> i cijene usluge grijanja po MWh (“Službeni glasnik Općine Tuzla”, broj 13/09).

### **III**

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

**Bosna i Hercegovina  
Federacija Bosne i Hercegovine  
Tuzlanski kanton  
GRAD TUZLA  
GRADSKO VIJEĆE  
Broj: 01/15-A-17418-2023  
Tuzla, 26. oktobar 2023. godine**



**PREDSJEDAVAJUĆA**

*Nataša Perić*  
**Nataša Perić, prof.**

## OBRASLOŽENJE

### I-PRAVNI OSNOV

**Statut Grada Tuzle** ("Službeni glasnik Grada Tuzla", broj 6/21) u članu 25. određuje nadležnost Gradskog vijeća za donošenje ove Odluke.

**Zakon o komunalnim djelatnostima TK** („Službene novine TK“, broj: 11/21):

- član 21. propisuje da "Visinu cijene i način plaćanja komunalne usluge određuje davalac komunalne usluge uz prethodnu saglasnosti opštinskog vijeća/gradskog vijeća..."
- član 11. stav 1. tačke e. i g. propisuju „da je davalac komunalnih usluga dužan da cijene komunalnih usluga određuje prema važećim propisima, kao i da uspostavi tarifni sistem koji će biti osnova za naplatu usluga”

### II-RAZLOZI ZA DONOŠENJE

„Centralno grijanje“ d.d. Tuzla, podnijelo je putem ove Službe zahtjev za davanje saglasnosti na Odluku o utvrđivanju cijene usluge grijanja po m<sup>2</sup> i cijene usluge po MWh, koju je donio Nadzorni odbor Društva 09-07062-2023/XIII-4 od 09.10.2023. godine.

Od 2009. godine cijene usluge grijanja po m<sup>2</sup> i cijene usluge grijanja po MWh, utvrđene su Odlukom o davanju saglasnosti na Odluku Nadzornog odbora „Centralno grijanje“ d.d. Tuzla o utvrđivanju cijene usluge grijanja po m<sup>2</sup> i cijene grijanja po MWh („ Službeni glasnik Općine Tuzla“, broj 13/09), koja se radi jednostavnijeg sagledavanja dostavlja u prilogu.

Novom Odlukom Nadzornog odbora cijene usluge grijanja koja se obračunava po m<sup>2</sup>, ostaju nepromjenjene, dok se cijene usluge grijanja po potrošnji toplotne energije mijenjaju u pogledu načina obračuna ukupne cijene, na način da se u obračun ukupne cijene uvodi varijabilna i fiksna komponenta cijene, umjesto dosadašnjeg obračuna koji je sadržavao samo varijabilni dio. Ujedno, uvođenjem fiksnog dijela u obračun ukupne cijene smanjena je cijena MWh toplotne energije kao varijabilnog dijela u odnosu na dosadašnju za 9%.

Detaljno obrazloženje razloga za izmjenu načina obračuna cijene po potrošnji, predloženim iznosima cijene fiksne i varijabilne komponente dato je u prilogu Odluke Nadzornog odbora na koju se daje saglasnost ovom Odlukom.

Također, Služba za ekonomski razvoj, poduzetništvo i poljoprivredu izvršila je analizu predmetne Odluke Nadzornog odbora koja se dostavlja u prilogu, te cijeneći opravdanom potrebu izmjene načina obračuna i cijena usluge grijanja za korisnike usluge grijanja kojima se obračun vrši po potrošnji pripremljena je ova Odluka o davanju prethodne saglasnosti na Odluku o utvrđivanju cijene usluge grijanja po m<sup>2</sup> i cijene usluge grijanja po MWh broj: 09-07062-2023/XIII-4 od 09.10.2023. godine, koju je donio Nadzorni odbor „Centralno grijanje“ d.d. Tuzla.

### III - FINANSIJSKA SREDSTVA

Za provođenje ove Odluke nisu potrebna dodatna finansijska sredstva.

Obradivači:

Nadzorni odbor „Centralno grijanje d.d. Tuzla  
Služba za ekonomski razvoj, poduzetništvo i poljoprivredu